

Gente nuova cose nuove

Canzonetta Nuovissima

F'inalment i que te sted
Ià pu fat i deputed,
Chil po di com i sarà
Quasi quasi una metà
A cmandè ancora in se vist
Sarai bon o sarai trist?
Per quel ca sent a si giornel
Iè dla zenta can iè mel,
Sla sarà com i la dis
I cià promess e paradis
Basta ben quand iè e governe
Chin ciàvess dadè l'inferne?
Miga aldigh can iava stima,
Ma una masa le quii d' prima
E i viciun ca de giudizie
I muda pel in muda vizie:
Chi ha fedà e chin nia fedà
Le un lavor che sa da veda.
I nost quatre i cià promess
Da ve cura d' iinterest,
D' ioperai, dla genta basa
Da calè anche qualcha tasa,
Ià anche dètt da calè e sel
An so quant' ogni quintel
E se na nusa a ne tun sach
I calarà ancora e tabach.
Da mett la tasa progresiva
Ma cla genta i la chiariva
Avè cinquantamillalir
Chi magna e bev senza sospir.
I vo fe in mod che la zorneda
Dl' operai cla sia pagheda
Per chel tent cla bsogn da spend
Sgond la roba chi la vend,
I na promes na quantità
Vatlapesca sil farà.
I ne ste un po ca ne pas
Quel e feva di pat gras,
Ma i Rimnes in la credù
Se ben enca lo cla avù
Una bona propaganda
E pu tutta d' genta granda;
Se ben cla dla gran moneda
Di palaz che chii po veda
Tntt guarnid d' or e d' damasch

Le torne in Grecia sun bel fiasch.
An si sa che un affaresta,
Quand la fat bona provesta
D' or d' argent e dli pusion
I selta in testa l' ambizion
In qualca carica es promos
Per dvantè qualcosa d' gros?
Ma e su partid lera un po strach.
Le torne i la sli piv te sach!..
Basta, quii ca avu furtuna
D' andè drett ma la tribuna
A fe i fat nost a Moncitorie
Chi na trova tent li storie.
Chi pensa ben ma quel chia dètt
Pi cuntaden, per i puret,
Per i piccol possident
Per iartest, per tutt cla gent.
Chi pates na quantità
Specialment a tli città
Chi pega e dezie de cunsum
Che dalla fema in ved più lum.
I se arduitt a mala porta
Che pega ench na biscia morta,
Se un purett la un fasc d' legn,
Un pugnd' farena quant un segn
Una boccia daquadéccia,
Un furmai, na qualca psiccia,
Du ligum da mett te pniat,
Un po d' acet, na boccia dlat,
San la ten maseda e stretta
Bsò che faccia la buletta.
Sla un galluz, una gallena
A tun sit dov can s' indveina
I sfuraza sa che sped
Las sent a strid sebben clan sved.
Ma me am per una sciochezza
A fe paghè na piccolezza
D' du tre cianti ossia un soldaz
Mun sgrziè che sia ti straz.
Se va un artest dun cuntaden
A portei un lavortein,
Cui da do legn un po d' gambun
Per cose la pieda dfurmanton,
Quan e ven da la campagna
Per atrè bsogna che ragna.

Ma andè la cle rob da rid,
 A quardè sotta i vistid,
 Da stora vent sotta i capott
 Se qualdum ià di fagott,
 Sotta e zinèl a ma stli don
 Sa liaves qualcosa d' bon,
 Le tutt robi canli amett.
 Fin chi guerda tun caret
 Mun manbruc muna baroza,
 Mittemma ench muna caroza,
 Dentra un sach, sotta una stura
 Fin chi va torna la mura,
 Le ben giust chi staga accort.
 Mai nissun i darà tort.
 Ma a guardè cert piccolez
 I zittaden i ne ste avez.
 In quant al guerdie pu i puraz
 In na miga colpa un ca...
 Perchè lor alla fin di cunt
 Le una carica chià assunt
 Per magnè se chè mistier
 Bso chi facia e su duver.
 Tutt la colpa la sarà
 D' quii chii da la facoltà,
 Le per quest che i deputed
 Si cercas e ben de sted
 Bsò chi cmenza a ti comun
 A fe cmandè ma chi più bon.
 Basta nun bsogna ca stamma
 Attached ma che programma
 Chiafat prima d' andè via
 Tutti quatre incompagnia,
 Che se vnessa effetued
 A sarein piu sollevèd.
 Si farà pu in conseguenza
 Quel chia dett d' beneficenza,
 An vidrem piu tent inzir
 Di por vecc fe di sospir
 Mort d' fema mel vistid
 Sa dli scherp a ti su piid

Che si sa trova tla mareccia
 In pata mai do chiè la breccia.
 A mi sarà più ma stli stred
 Di birichin tutt aduned
 Schelz e nud senza bretta
 A gioghè i cianti alla basetta.
 Ma amparè da fe a su dver
 Alla scuola ossia e mestier.
 Quel chià det se vnessa fat
 A saresme soddisfat,
 Piu tranquill sa mengh pensier
 A badarem me nost mistier.
 I cuntaden vanghè la tera,
 I Muradur a sla cucera,
 I sartur a dovrè legh,
 I calzoler la lesna e spegh,
 I marangun a tre la sega,
 Iesercent tla su butega
 A mett e cu., vicina e mur
 Per no fe cricca m' iaventur,
 A fe i capell a mi capler,
 I calder mi caldarer,
 E sa farem di bon guadagn
 A magnarem sempre lasagn
 De bon pesc de casadel
 Invec d' un mez anche un buchel
 E a urlarim da dispered
 Viva viva i deputed.
 A des a degh sol na parola
 Chi d' voielt e andè la scola
 Mitì al men a tla maletta
 Per comprè sta Canzonetta;
 A spendri sol un soldaden
 Che oggi giornè a ne quattren.

GIUSTINIANO VILLA

Proprietà Letteraria

Rimini 10 - 11 - 82 — Tip. Danesi già Albertini